

松陽縣志卷之三

學校志

聖訓 名宦

書目 鄉賢

學宮 書院

位次 學田

陳設 鄉飲

禮儀 賓組

學校之制由來舊矣禮教于是乎興人才于是乎出
唐虞三代之隆其著于書冊者章章可考自是而後
莫之能易也迨至我

朝重道崇儒右文稽古與唐虞比隆是以山陬僻壤莫不
戶誦家絃松雖蕞爾一邑而宮墻數仞巍煥昭焉謹
錄

御製訓飭士子文于簡端垂萬世之楷模肅儒林之瞻仰凡
置身膠序者欣逢

松陽縣志

卷之三 學校

一

聖世能不飭躬砥行共相勉勵以仰副作人之雅化哉志
學校

順治九年

命禮部因明舊制復刊卧碑文于學宮之右以示生員

文曰

朝廷建立學校選取生員免其丁糧厚其廩膳設學院學
道學官以教之各衙門官以禮相待全要養成賢才以供
朝廷之用諸生皆當以上報國恩下立人品所有教條開
列於後

一生員之家父母賢智者子當受教父母愚魯或有非

爲者子旣讀書明理當再三懇告使父母不陷於危
亡

一 生員立志當學爲忠臣清官書史所載忠清事蹟務
須互相講究凡利國愛民之事更宜留心

一 生員居心忠厚正直讀書方有實用出仕必作良吏
若心術邪刻讀書必無成就爲官必取禍患行害人
之事者徃徃自殺其身常宜思省

一 生員不可干求官長交結勢要希圖進身若果心善
德全上天知之必加以福

一 生員當愛身忍性凡有司官衙門不可輕入卽有切

己之事止許家人代告不許干與他人詞訟他人亦
不許牽連生員作證

一 爲學當尊敬先生若講說皆須誠心聽受如有未明
從容再問毋妄行辨難爲師者亦當盡心教訓勿致
怠惰

一 軍民一切利病不許生員上書陳言如有一言建白
以違制論黜革治罪

一 生員不許糾黨多人立盟結社把持官府武斷鄉曲
所作文字不許妄行刊刻違者聽提調官治罪

康熙九年頒

士論十六條每月朔望有司偕紳衿齊集明倫堂及軍民人等俱聽宣講

- | | |
|----------|----------|
| 一敦孝弟以重人倫 | 一篤宗族以昭雍睦 |
| 一和鄉黨以息爭訟 | 一重農桑以足衣食 |
| 一尚節儉以惜財用 | 一隆學校以端士習 |
| 一黜異端以崇正學 | 一講法律以儆愚頑 |
| 一明禮讓以厚風俗 | 一務本業以定民志 |
| 一訓子弟以禁非爲 | 一息誣告以全良善 |
| 一戒窩逃以免株連 | 一完錢糧以省催科 |
| 一聯保甲以弭盜賊 | 一解讎忿以重身命 |

松陽縣志

卷之三 學校

三

康熙三十五年二月

御製

至聖先師孔子贊并序

蓋自三才建而天地不居其功一中傳而聖人代宣其蘊有行道之聖得位以宣猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳于一朝明道者教思周于百世堯舜文武之後不有孔子則學術紛淆仁義湮塞斯道之失傳

也久矣後之人而欲探二帝三王之心法以爲治國平
天下之準其奚所取衷焉然則孔子之爲萬世一人也
審矣朕巡省東國謁祀闕里景仰滋深敬摘筆而爲之
贊曰

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂法故古曰惟堯舜
禹湯文武五百餘歲至聖挺生金聲玉振集厥大成序書
刪詩定禮正樂既窮象繫亦嚴筆削上紹絃聖下示來型
道不終晦秩然大經百家紛紛殊塗異趣日月無踰羹墻
可晤孔子之道惟中與庸此心此理于聖所同孔子之德

松陽縣志

卷之三

學校

四

仁義中正秉彜之好根本天性庶幾夙夜曷哉令圖溯彼
洙泗景躅唐虞載歷庭除式觀禮器摘毫仰贊心焉遐企
百世而上以聖爲歸百世而下以聖爲師非師夫子惟師
於道親天垂世惟道爲寶泰山巖巖東海洋洋宮墻萬仞
夫子之堂孰窺其藩孰窺其徑道不遠人克念作聖

御製四賢贊

顏子贊

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用舍行藏
王佐之器

曾子贊

溱泗之傳終以得

一貫曰唯聖學在茲明德新明止焉

為期格致誠正均平

以推至德要道百行所基纂修統緒

修明訓詞

子思子贊

於穆天命道之大原靜養動察肅德庸言以育萬物以贊

乾坤九經三重大典是存篤恭慎獨成德之門卷之藏密

拓之無垠

孟子贊

哲人既萎楊墨昌熾子輿闢之曰仁與義性善獨闡知言

松陽縣志

卷之三

學校

五

養氣道稱堯舜學屏功利煌煌七篇並垂六藝孔學攸傳

禹功作配

康熙四十一年

御製訓飭士子文頒行學宮

國家建立學校原以興行教化作育人才典至渥也朕臨

馭以來隆重師儒加意庠序近復慎簡學使釐別弊端務

期風教修明賢才蔚起庶幾棧樸作人之意乃比來士習

未端儒教罕著雖因內外臣工奉行未能盡善亦由爾諸

生積錮已久猝難改易之故也茲特親著訓言再加警勸

爾諸生其敬聽之從末學者先立品行次及文學學術事

功原委有序爾諸生幼聞庭訓長列宮墻朝夕誦讀甯無
講究必也躬修實踐砥礪廉隅敦孝順以事親秉忠貞以
立志窮經考義勿雜荒經之談取友親師悉化驕盈之氣
文章歸于醇雅勿事浮華軌度式于準繩最防蕩軼于矜
佻達自昔所譏苟行止有虧雖讀書何益若夫宅心弗淑
行止多愆或蜚語流言脅制官長或隱糧包訟出入公門
或唆撥奸猾欺孤凌弱或招呼朋類結社要盟乃如之人
名教不容鄉黨弗齒縱倖脫襦撲濫竊章縫返之於裏能
無愧乎况乎鄉會科名乃掄才大典關係尤鉅士子果有
真才實學何患困不逢年願乃標榜虛名暗通聲氣夤緣

詭遇罔顧身家又或以窳鄉貫希圖進取器凌騰沸網利
營私種種弊端深可痛恨且夫士子出身之始尤貴以正
若茲厥初拜獻已作姦犯科則異時敗檢踰閑何所不至
又安望其秉公持正爲國家宣猷樹績膺後先裔附之選
哉朕用嘉惠爾等故不禁反更愆愆茲諭言頒到等務
其體朕心恪遵明訓一切痛加改省爭自濯磨積行勤學
以圖上進國家三年登造東帛旌爾身有榮卽爾
祖父亦增光寵矣逢時得志甯俟他求世若乃視爲具文
玩愒弗儆毀方躍冶是來自甘王章具在朕不能爲爾等
寬矣自茲以往內而國家外而直省鄉校凡學臣師長皆

有司鐸之責者並宜傳集諸生多方董勸以副朕懷否則職業不修咎亦難追勿謂朕言之不預也爾多士尚敬聽之哉

雍正三年覆准士子誦習必早聞正論德性堅定將聖諭廣訓萬言諭

御製朋黨諭頒發各省學政刊刻印刷齎送各學令司鐸之員朔望宣誦

雍正四年九月二十九日奉

上諭爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言所行俱可以爲

卷之三

學校

七

人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧耻之心相戒勿令某人知之如古人之往事則民風何患不純世道何患不復古耶朕觀今日之士雖不乏閉戶勤修讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓貧民或迤抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尚且如此則必薄待讀書之人而且輕視聖賢之書矣士習不端民風

充故論治者往往先養後教朕御極以來日爲斯民籌
衣食之源水旱之備所期薄海蒸黎蓋藏充裕俯仰有資
以爲施教之地而解愠阜財之效尚未克副朕懷第思維
皇降衷有物有則衣食以養其形教化以復其性二者相
成而不相妨不容偏廢正如爲學之道知先行後然後知
行並進非劃然兩時判然兩事又安得謂養之之道未裕
遂可置教化爲緩圖也今學校徧天下山陬海澨之人無
不挾詩書而遊庠序顧學者徒以文藝弋科名官師以課
試爲職業於學問根本切實用功所在概未暇及司牧者
盡心於簿書筐篋或進諸生而譚舉藝則以爲作養人材

振興文教其於閭閻小民則謂是蚩蚩者不足與興教化
平時不加訓迪及陷於罪則執法以繩之無怪乎習俗之
不純而詬誶訾凌之不能禁止也朱子云聖人教人大概
只是說孝弟忠信日用當行的話人能就上面做將去則
心之放者自收性之昏者自明此言深探立教本源至爲
切實蓋心性雖民之秉彝而心爲物誘則放性爲欲累則
昏存心養性非知道者不足與幾若夫事親從兄則家庭
日用人人共由孩提知愛少長知敬又人人同具不待勉
強要之堯舜之道不外乎是卽如得一食必先以食父母
得一衣必以衣父母此卽是孝能推是心而凡所以順其

親者無不至則爲孝子父之齒隨行兄之齒雁行此卽是
悌能推是心而凡所以敬其長者無不至則爲悌第一人
如此人人從而效焉一家如此一鄉從而效焉則爲善俗
孟子曰人倫明於上小民親於下又曰人人親其親長其
長而天下平由是道也惟在上者不爲提撕警覺則習而
不察而一時之明不勝夫積習之染重昏闇蔽日入於禽
獸而不自知任君師之責者奚忍不爲之重申而切論之
也我

聖祖仁皇帝頒

聖諭以教士民首崇孝悌

松陽縣志

卷之三

學校

十

皇考世宗憲皇帝衍爲廣訓徃復周詳已無遺蘊但朔望
宣講祇屬具文口耳傳述未能領會不知國家教人字字
要人躬行實踐樸實做去人倫日用正是聖賢學問至切
要處堯舜之世比戶可封只是能盡孝悌放僻邪侈觸陷
法網只爲不知孝悌記曰將爲善思貽父母令名必果將
爲不善思貽父母惡名必不果誠能如此存心豈復有縱
欲妄行之事苟不從此處切實做起雖誦讀詩書高談性
命直謂之不學可耳凡有牧民課士之責者隨時隨事切
實訓誨有一事之近於孝悌則從而獎勵之一事之近於
不孝不悌則從而懲戒之平時則爲之開導遇事則爲之

剗晰如此則親切而易入將見父詔兄勉日積月累天良勃發率其良知良能以充孝弟之實藹然有恩秩然有義豫順積於家庭太和翔於宇宙親遜成風必從此始凡吾赤子其敬聽諸凡諸司牧其敬奉諸

乾隆二十四年奉

上諭前因磨勘順天等鄉試卷其中字句紕繆者不一而是甚至不成文義如飲君心於江海之語於文風士習殊有關係已降旨宣諭中外俾衡文作文者知所警惕第念別裁偽體以端風尚固在考官臨時甄拔功名而平時之造就漸摩使士子皆知從實黜浮不墮揣摩持撻惡習則

松陽縣志

卷之三

學校

十一

學政責任尤重鄉會兩試乃士子進身階梯而學臣於三年之前歲科考校評隲甲乙者此日之生童即可爲他日舉人進士所云正本清源舍是無由也爲學政者果能以清真雅正爲宗一切好尚奇詭之徒無從售售文章自歸純正否則素日趨向紛歧一當大比爲試官者鑿闢校拔不過就文論文又何從激勸而懲創之且學政按臨謁廟講書原與士子相見非考官易書糊名暗中摸索者比文字一道人品心術卽於此見端自應隨時訓勵整頓務去佻巧僻澀之澆風將能爲清真雅正之文而其人亦可望爲純茂端謹之士由此賢書釋褐足備國家任使斯士子

無負科名而學臣亦不負衡文之任但不得因有是旨徒以字句疵類易爲磨勘描摘遂專取貌似先正之文於傳註無所發明相率而歸於空疎淺陋此又所謂矯枉過正救弊適足以滋弊一經朕鑒察亦惟於該學政是問今歲正學政受代之始諸臣皆朕特簡各宜勉副興賢育才至意著將此旨錄於學政公署並各府州縣學明倫堂用資觸目驚心而凡我多士亦皆得審所就範朕實有厚望焉欽此

乾隆四十八年頒到

世宗憲皇帝訓飭士子碑文

松陽縣志

卷之三

學校

三

雍正五年三月二十四日禮部奏會試舉人叨荷

特恩合詞陳謝奉

上諭朕視天下萬民皆爲一體况讀書鄉薦之人異日俱可作朕股肱耳目是以朕心待之實有一體聯屬之意愛養培護卽如自厚其身此皆出於心中之自然非欲邀天下士子之感頌也今舉子等以會試叨荷特恩合詞陳謝是尚不能深悉朕一體相關之意而存上下彼此之形迹矣朕待天下惟有一誠而崇儒重道之心尤爲篤切但所宗者皆真儒所重者皆正道若徒尚虛文邀取名譽致貽世道人心之害朕不忍爲也爾等讀書之人實斯民之所

觀瞻風俗之所維繫果能誦法聖賢躬脩實踐宅心正直
行己端方則通籍於朝必能為國家宣猷樹績膺棟梁選
卽退處鄉間亦必能教孝勸忠為眾人之坊表故士習旣
端而人心尚有不正風俗尚有不純者無是理也爾等旣
感朕恩卽當仰體朕心恪遵朕訓爭自濯磨或出或處皆
端人正士為國家所倚賴如此方為實心報效不在感恩
奏謝之儀文也欽此

書籍

御纂周易折中一部 二套 一十二本

書經傳說一部 二套 一十六本

松陽縣志

卷之三

學校

十一

詩經傳說一部 四套 二十四本

春秋傳說一部 四套 二十四本

朱子全書一部 四套 三十二本

性理精義一部 一套 五本

以上雍正十一年頒發

周官義疏一部 三十二本

儀禮義疏一部 三十二本

禮記義疏一部 三十二本

周易述義一部 四本

詩義折中一部 八本

春秋直解一部

四本

孝經衍義二部

四十八本

通鑑綱目一部

百六十本

明史一部

一十一卷一百一十二本

學政全書一部

六本

學政全書一部

四本

續全書一部

二本

儀物撮要一部

一本

上諭律例六部

六本

上諭四部

四本

松陽縣志

卷之三

學

六

御製盛京賦

一册

一

一本

御製樂善堂集

一部

百六十本

御製文集

一部

六本

御製詩集

一部

一十六本

御製詩二集

一部

二十五本

欽定四書文

一部

一十四本

以上各書於咸豐戊午

同治六年頒

十三經古註一部

四十八本

七年二月奉頒

鮑刻六經 一部

計四十本

御製周易折中 一部

十本

欽定書經傳說彙纂一部

一十二本

欽定詩經傳說彙纂一部

一十六本

八年二月奉頒

欽定周官義疏 一部

二十四本

三魚堂文集併陸清獻遺集一部 七本

聖諭廣訓 一本

御註孝經 一本

匾額 康熙二十五年奉頒

松陽縣志

卷之三

學校

一五

御書萬世師表匾式

雍正四年奉

御書生民未有匾式

乾隆十五年奉

御書與天地參匾式

嘉慶 年奉

御書聖集大成匾式

道光 年奉

御書聖協時中匾式

咸豐 年奉

御書德齊轎載匾式

同治三年奉

御書聖神天縱匾式

儒學

儒學

在縣治東南百步

初學建于唐武德四年宋宣和三年燬

建炎時知縣徐彭年重建唐閱繼葺紹興間王淑茅

寄增修

邑人吳祇若記載藝文

乾道紹定淳祐間知縣劉唐褒

王圭高彭更相修飾元元貞二年赤蓋顯忠撤舊更

新至大四年主簿王友從增修明正統三年教諭錢

謚建奎文閣

吳郡張祝記載藝文

舊有尊經閣及奎文青雲二

松陽縣志

卷之三 學校

十六

坊諸生號舍並廢嘉靖十三年知縣林璧建啟聖祠

三十七年知縣黃美中于明倫堂左建博文齋隆慶

四年知縣李基于明倫堂右建約禮齋萬歷十年知

縣張賽改建于東南郭外三十一年知縣劉幹正復

遷舊址

郡守鄭懷魁記載藝文

崇正二年通判署縣事許有寰

重修知縣楊應華董成之

郡人王一中記載藝文

五年知縣楊

應華建啟聖祠文昌閣

烏程溫體仁記載藝文

十七年知縣張

建高重建尊經閣

國朝康熙十八年知縣張景留捐俸重修三十八年義民

阮尙恭捐資建訓導宅四十年知縣武方蔚教諭朱

... 重邑人丁正乾丁正中丁振世劉蘇升
丁兆先葉金枝等公捐重修明倫堂五十四年署松
陽縣蕭山縣縣丞傅之誼教諭朱錫吉訓導范邦遠
等重修乾隆十九年知縣黃槐教諭王玉生訓導陳
集英倡捐重修合邑紳士公捐協修二十年邑人楊
友宗張文賢鄭日會賴肇基劉亮高捐建教諭宅三
十二年教諭胡雲昂又捐俸添造外堂三間顏日約
禮齋因隆慶時知縣李基建約禮齋于明倫堂之右故仍其名三十三年知縣曹
立身教諭胡雲昂訓導朱篆典史郭尙質等倡捐重
修合邑公捐協修自殿廡各祠宇以及明倫堂尊經

松陽縣志

卷之三 學校

閣及左右號舍四圍墻垣煥然有加焉

文廟正中爲

大成殿東西列兩廡前爲戟門又前爲泮池跨以石橋又

前爲櫺星門戟門之東爲名宦祠爲昌文祠即土西地祠

爲鄉賢祠爲景賢祠崇正六年建初名三賢祠後改名四賢祠順治十年改今額雍

正九年教諭許惟權重修乾隆櫺星門之東爲儒學

三十二年教諭胡雲昂重修門內有青雲路殿後爲明倫堂堂東號舍七間西

號舍九間西爲教諭宅舊無宅居尊經閣乾隆二十

宗等捐金子西號舍內基地建宅七間堂後爲尊經

閣閣後爲崇聖祠雍正二年知縣楊國琦重修乾隆青

雲路之東有空地昔為射圃蘇伯衡記射圃之南為

萬仞坊雍正十年知縣孫翼建為省牲所乾隆二十五年知縣吳鳳章以此基之半

建社為訓導宅乾隆二十年教諭王玉生訓導陳集

子選謝文利捐建外堂五間乾隆三十三年教諭胡雲昂訓導朱篆改建外堂於舊宅後修整完好增築

垣廊改舊南出門從號舍西出因初嘉靖時知縣黃美中建博文齋於明倫堂之左亦以博文顏其額

儒學門東為文昌閣儒學門東西班房各一間又門

東屋一間內設紙爐收焚字紙

道光十五年邑庠生葉以成獨捐重建

大成殿東西兩廡二門泮池櫺星門并左右土地祠名宦景賢鄉賢各祠及四圍牆垣有記入藝文

道光二十五年貢生葉文蔚捐建明倫堂

道光二十五年監生蔡懋烈捐建尊經閣遂後

崇聖祠於明倫堂之後

道光十七年邑紳士勸捐修造兩學署

同治十一年知縣支恒椿籌款建復教諭署十二年

籌款建復訓導署

同治十一年例貢生闕鳳誥捐修殿廡及二門泮池櫺星門併四圍牆垣

殿廡位次

大成殿

至聖先師孔子位正位

周敬王四十一年魯哀公誅稱尼父漢平帝追謚褒

成宣尼父 東漢和帝封褒尊侯 後魏孝文帝謚

文宣尼父 後周靜帝封鄒國公 隋文帝贈先師

尼父 唐高祖尊為先師 太宗升為先聖後又尊

為宣尼父 高宗贈太師後又封隆道公 元宗詔

謚文宣王南向被王者之服 宋真宗加謚至聖文

宣王 元成宗稱大成 文宗武宗稱大成至聖文

松陽縣志

卷之三 學校

九

宣王 明世宗稱至聖先師

國朝順治二年加稱大成至聖文宣王先師十七年改

稱至聖先師

四配

復聖顏子 名回 字子淵魯人天資明睿甫成童即潛心聖

學以德行稱年三十二卒魏正始七年配唐真觀中

稱先師開元中稱亞聖唐宋自太子少師太師兗公

累封至兗國公元至順元年稱兗國復聖公明景泰

三年置博士

宗聖曾子 名參 字子輿魯南武城人資稟篤實天性至孝

孔子一貫之傳曾子能得其宗唐總章元年配開元
及寧刻像十哲之末宋咸淳三年重配唐宋自太子
少保太保郕伯瑕邶侯武城侯郕侯累封至郕國公
元稱郕國宗聖公明嘉靖十八年置博士

述聖子思子 名伋 字子思孔子孫伯魚子數歲孔子沒七

十子遂敬子思師事曾子宗聖祖之學作中庸言性
道教得一貫之傳性善之論始此宋六觀二年從祀
端平二年升十哲咸淳三年配封沂國公元稱沂國
述聖公明宏治十八年置博士

亞聖孟子 名軻 字子輿鄒人戰國時世務縱橫孟子獨述

松陽縣志 卷之三 學校

唐虞三代之德所如不合退與萬章之徒序詩書述
仲尼之意作孟子七篇以詔來世宋元豐七年配明
洪武五年罷六年復宋封鄒國公元稱鄒國亞聖公
明景泰三年置博士宋政和五年詔孟子廟以樂正
子配饗公孫丑等十七人從祀

謹案四配去封爵但稱復聖等號定於嘉靖九年宋
禮志四配之位居正位之東面西向而東西向不知
始於何時 宋崇寧三年以王安石配靖康元年降
兩廡

東哲先賢

閔子損字子騫魯人事母至孝以德行稱唐贈費侯宋瑯
琊公改費公康熙三十九年置博士

冉子雍字仲弓魯人伯牛之宗族厚重簡默以德行稱唐
贈薛侯宋下邳公改薛公雍正二年置博士

端木子賜字子貢河南衛輝人以言語稱唐贈黎侯宋黎
陽公改黎公康熙三十九年置博士

仲子由字子路一字季路魯卞人有勇力才藝以政事稱
唐贈衛侯宋河南公改衛公明萬歷中置奉祀崇禎
十六年置博士

卜子商字子夏衛人以文學稱何休謂孔子以春秋之說
松陽縣志

卷之三 學校

三

口授子夏子夏授公羊穀梁後並爲春秋作傳與左
氏爲三六經之學子夏之功爲大唐贈魏侯宋河南
公改魏公康熙五十九年置博士

有子若字子有魯人強識好古明禮贊樂論語一書成於
有子曾子之門人故二子獨以子稱唐贈卞伯宋平
陰侯雍正二年置博士

西哲先賢

冉子耕字伯牛兗州人以德行稱有惡疾孔子嘆其爲命
唐贈鄆侯宋東平公改鄆公雍正二年置博士

宰子予字子我魯人以言語稱唐贈齊侯宋臨淄公改齊

公

冉子求字子有仲弓之宗族性謙退有才藝以政事稱唐

贈徐侯宋彭城公改徐公

言子偃字子游吳人以文學稱為武城宰以禮樂為教唐

贈吳侯宋丹陽公改吳公康熙五十一年置博士

顏孫子師字子張陳人寬冲博雅才高意廣唐贈陳伯宋

宛邱侯改潁川侯又改陳公雍正二年置博士

朱子熹字元晦宋徽州婺源人徙居建陽之考亭少聞延

平李侗學得伊洛之正遂往從之為學大要窮理致

知反躬實踐主於居敬記稱絕學以來集諸儒之大

松陽縣志

卷之三

學校

三

成發先聖之秘蘊孟子而後一人明初詔先生書立

於學官命學者皆宗之仕歷部郎提刑修撰待制漳

州府江東轉運廣南經略荆湖安撫等官贈寶謨閣

學士謚文宋封信國公改徽國元改齊國明景泰六

年置建陽博士嘉靖二年置婺源博士宋淳祐元年

從祀兩廡明崇禎十五年稱先賢列漢唐諸儒上

國朝康熙五十一年升列哲位

謹案東魏興和三年雕塑聖容十子始旁侍唐開元

八年增塑曾子於其次宋元豐七年顏子另坐乃以

曾子足十哲之數端平二年復增子思成濬三年曾

子子思升四配乃增子張足十哲之數

國朝康熙時升朱子於東序之末乾隆三年又升有子乃移朱子於西定為十二哲十哲位唐開元時已東

西向

東廡先賢

公孫子僑字子產一字子美鄭穆公孫子國子咸豐七年

從祀

林子放字子邛魯人石室圖列入弟子內嘉靖九年改祀

於鄉雍正二年復

原子憲字子思商邛人禮壇弓稱仲憲清淨守節貧而樂

松陽縣志

卷之三 學校

三三

道

南宮子适字子容魯人史作括一名縉世清不廢世濁不

汚孔子以兄子妻之

商子瞿字子木曲阜人專好易孔子所繫之易傳傳之自

商子始

漆雕子開字子若蔡人習尚書不樂仕一作啟字子開

司馬子耕字子牛宋人向魑之弟一作犁耕

梁子鱣字叔魚兗州人

冉子孺字子魚魯人

伯子虔字子皙魯人

冉子季字子產魯人

漆雕子徒父字子有魯人

漆雕子哆字子歛魯人

公西子赤字子華魯人篤雅有節嫻於禮樂

任子不齊字子選楚人

公良子孺字子正陳人賢而有勇

公肩子定字子中魯人一作公子肩定字子仲

鄒子單字子家聊城人家語無

罕父子黑字子索魯人一作罕父黑

榮子旂字子祺魯人

松陽縣志 卷之三 學校

左人子鄂字子行魯人

鄭子國字子徒魯人

原子克字子籍魯人

廉子潔字子庸衛人

叔仲子會字子期晉人

公西子輿如字子上兗州人

邾子異字子歛魯人

陳子亢字子禽陳人子車之兄史記無

琴子張字子開一名牢字子張衛人以狂稱史記無

步叔子乘字子車齊人

秦子非字子之魯人

顏子增字子聲魯人以上自原子憲起俱唐開元時從祀

顏子何字子冉魯人明嘉靖九年罷國朝雍正二年復

祀

縣子直字子家魯人雍正二年祀

牧子皮魯人黃帝臣力牧之後與琴張曾皙為友以狂稱

雍正二年祀

樂正子克齊人戰國時游說縱橫與萬章諸人奉孟子為

依歸獨稱好學為孟門弟子雍正二年祀

萬子章齊人孟廟四配政和中從祀孟廟雍正二年從祀

松陽縣志

卷之三

學校

五

孔庭乾隆二十一年改稱先賢某子

周子敦頤字茂叔宋湖廣道州人少穎異自能默契道體

二程子從之學著通書太極圖說號濂溪先生蔡虛

齋稱濂溪為宋之仲尼二程為宋之顏閔累官至知

南康軍部郎賜諡元封汝南伯元加道國公宋濬祐

元年從祀崇禎十五年稱先賢景泰六年置博士

程子顥字伯淳宋河南洛陽人資性過人十五六歲時慨

然有求道之志著定性書與太極圖說相表裡先儒

謂孟子後得顥而道始明世稱明道先生官太子中

允權監祭御史道諡純封河南伯元加豫國公宋濬

祐元年從祀明改先賢崇禎三年置博士

邵子雍字堯夫宋直隸涿州人爲學堅苦刻勵受易於李之才探賸索隱妙悟神契遂衍伏羲先天之學著皇極經世等書具內聖外王之學兩舉遺逸授將作監補團練推官贈著作郎謚康節封新安伯咸淳三年從祀明改先賢崇禎三年置博士

西廡先賢

蘧子瑗字伯玉衛大夫以君子稱石室圖列入弟子內嘉靖九年改祀於鄉雍正年復

澹臺子滅明字子羽魯武城人公正無私以取與去就然

松陽縣志

卷之三 學校

諾爲名

宓子不齊字子賤魯人爲單父宰鳴琴而治

公冶子長字子長魯人能忍耻辱孔子以女妻之

公皙子哀字季次齊人耻屈節爲人臣

高子柴字子羔左作季羔禮檀弓作子擧齊人高溪十代孫篤孝有法知名於孔子之門

樊子須字子遲魯人樊皮之後

商子澤字子季魯人

巫馬子施字子旂一名期陳人

顏子辛字子柳魯人

曹子邨字子循蔡人

公孫子龍字子石衛人戰國時另一人

秦子商字子丕魯人其父董父與孔子父叔梁公俱以力

聞

顏子高字子驕魯人

壤駟子赤字子徒秦人

石作子蜀字子明秦人

公夏子首字子乘魯人

后子處字子里青州人

奚容子藏字子皙衛人

松陽縣志

卷之三 學校

三七

顏子祖字子襄魯人

甸子井疆字子界衛人

秦子祖字子南秦人

縣子成字子祺魯人

公祖子句茲字子之魯人

燕子伋字子思魯人

樂子茲字子聲魯人

狄子黑字子皙衛人

孔子忠字子蔑孔子兄之子

公西子藏字子上魯人

顏子之僕 字子叔魯人

施子之常 字子恒兗州人

申子橫 字子周史作黨家語作績一作蔡字子國魯人上

自澹臺子起俱唐開元時從祀

左子明 中都人楚左史倚相之後受經於孔子著左傳

國語唐貞觀二十一年以經師從祀明嘉靖九年稱

先儒崇禎十五年改先賢

秦子冉 字子開蔡人嘉靖時罷雍正二年復

公明子儀 魯南武城人先為子張弟子子張卒後為曾子

弟子蓋卒業於曾子也咸豐三年從祀

松陽縣志

卷之三

三

公都子名無友 孟子弟子雍正二年祀

公孫子丑 齊人孟子弟子雍正二年祀

張子載 字子厚宋陝西郿縣人嘗坐虎皮講易一日見二

程講易自以為不及即與論道學之要終日危坐一

室仰讀俯思有得則識之其學以易為宗以中庸為

體以孔孟為法關中士人皆宗師之號橫渠先生著

正蒙東西銘行於世程子言西銘理一而分殊與孟

子性善養氣之論同功官崇文院檢書知太常禮院

謚明封郿伯宋高祐元年從祀明改先賢天啓二年

置博士

程子頤字正叔宋河南洛陽人讀書悉本於誠以論孟中
庸爲標旨而達於六經動止語默以聖人爲師著易
春秋傳得孔孟不傳之學生平誨人不倦號伊川先
生官崇政殿說書追謚正封伊陽伯元加洛國公宋
淳祐元年從祀明改先賢景泰六年置博士
按先賢配享始唐元宗賜孔門弟子皆爲侯伯爵一
體從祀並及蘧瑗林放二人宋真宗幸曲阜祀孔子
命尚書溫仲舒分奠七十二賢明世宗詔去公侯伯
之爵其十哲以下及門弟子皆稱先賢某子公羊穀
梁以下皆稱先儒某子之位

松陽縣志

卷之三

學校

三九

國朝因之增祀縣直牧皮樂正子公孫丑萬章公都子
六人

按宋理宗詔取朱子論語孟子集註大學中庸章句
或問頒之大學詔曰朕惟孔子之道自孟軻後不得
其傳至我朝周敦頤程顥程頤真見實踐深探聖域
千載絕學始有指歸中興以來又得朱熹精思明辨
使大學中庸之書本末洞澈孔子之道益以大明於
世今視學有日其令學官列諸從祀以示崇獎之意

東廡先儒

公羊氏

高 周末齊人受春秋於子夏作傳至漢景帝時董

仲舒以春秋顯於朝傳至何休作解詁其學盛行唐
貞觀二十一年祀

伏氏勝字子賤山東濟南人秦焚書時勝爲博士獨壁藏
之漢定天下勝求其書得二十九篇以教於齊魯間
文帝聞而召之勝年老不能行使晁錯往受之復口
授令幼女傳言即今古文尚書置鄒平學士唐貞觀
時祀

毛氏亨魯人作詩訓詁以授趙人毛萇作小序故曰毛詩
亨爲大毛萇爲小毛同治二年祀

孔氏安國字子國孔子十一世孫漢諫議大夫博覽經傳
松陽縣志 卷之三 學校 三
學無常師魯恭王得孔壁所藏古今書皆蝌蚪文字
安國考論文義台伏生所誦成五十八篇作傳至東
晉梅賾始奏上齊建武中乃立學宮唐貞觀二十一年
祀

后氏蒼字近君漢山東兗州人爲博士受禮於高堂生後
在曲臺校書說禮數萬言授梁人戴德及戴聖西漢
時后與二戴禮並立學宮明時考求古禮以蒼爲禮
之宗嘉靖九年祀

鄭氏康成字立東漢北海高密人始通京氏易公羊春秋
又從張恭祖受周書禮記左傳春秋等書從事馬融

日質疑義所著詩禮論語孝經等論凡百餘萬言稱
爲純儒以侍中中郎將大司農徵俱不就唐貞觀時
祀嘉靖時改祀於鄉雍正時復

范氏 寓字武子晉鄆陵人少爲學多所通覽爲簡文帝餘
杭令興學校養生徒潔已修禮遷臨淮太守多所獻
替有益政治著穀梁集解唐貞觀時祀嘉靖改祀於
鄉雍正時復

陸氏 贊字敬輿唐嘉興人少孤特立不羣勵志勤學年十
八成進士中宏辭拔萃德宗時爲翰林學士帝常以
羣行呼而不名官至中書侍郎在朝論諫其切一本

松陽縣志

卷之三 學校

三

於仁義謚宣所著有奏議翰苑文集行世道光
祀

范氏 仲淹字希文宋江南吳縣人學至忠信志以天下爲
已任其立朝皆聖賢事業多社稷功世稱希文宋代
第一人物也官至參政宣撫使謚文正康熙五十四
年祀

歐陽氏 修字永叔宋廬陵人文章德業海內宗師自號六
一居士官參政謚文忠明嘉靖九年祀

司馬氏 光字君實宋陝西夏縣涑水鄉人孝友忠信恭儉
正直生平所爲無不可對人言誠心敬信人化其德

不喜僻老居政悉除安石惠卿所建新法有旋乾轉坤之功官至尚書左僕射封溫國公配享哲宗謚文正咸淳三年祀

謝氏良佐字顯道宋上蔡人元豐八年進士少時學於程門記問該贍對人稱前史不差一字與程頤別一年來見頤問其所進曰但去得一矜字頤嘆其善學有切問近思之功所著有論語說與楊時同稱程門四先生道光二十九年祀

羅氏從彥字仲素宋沙縣人篤志求道聞龜山得程氏學往從之絕意進取朱子謂龜山倡道東南從遊甚眾

松陽縣志

卷之二 學校

三

然潛心力行任重詣遠者仲素一人而已號豫章先生諡文質所著有尊堯錄行於世隆慶六年祀

李氏綱字伯紀宋邵武人政和二年第進士宣和初爲起居郎累贈太師衛國公諡忠定所著有易傳內外篇論語詳說詩文奏議咸豐元年祀

張氏斌字敬夫宋漢川棉竹人浚之子少穎悟夙成以聖賢自期居官在先正禮俗明倫教著有論孟說太極圖說諸書學者稱南軒先生官吏侍知江陵府諡宣景定二年祀

陸氏九淵字子靜宋金溪人生而穎異讀書至上下四方

曰宇往古來今日宙忽大悟曰宇皆內事乃已分內
事言論感激聞者興起號象山先生官荆門知軍謚
文安嘉靖九年祀

陳氏 潛 字安卿宋漳州龍谿人朱子守漳時潛游門下朱
子曰南來吾道得一安卿生平無書不讀無物不格
著論孟學庸口義等書官安溪主簿號北溪先生雍
正二年祀

真氏 德秀 字景元宋建州浦城人四歲受書過目成誦立
朝著直聲時禁大儒書公力以斯文自在講習服行
正學復明著大學衍義號西山先生官知制誥拜叅

松陽縣志

卷之三

學校

三

政謚文忠明封浦城伯正統二年祀

何氏 基 字子恭宋浙江金華人少師黃勉齋窮伊洛之源
著大學語孟太極通書西銘近思錄等書傳於世潛
祐間以崇政殿說書徵不起謚文定雍正二年祀

文氏 天祥 字履善號文山宋廬陵人讀書尚氣節寶祐間

舉進士第一官至右丞相不仕元從容受義衣帶中
有贊曰孔曰成仁孟曰取義惟其義盡所以仁至讀
聖賢書所學何事而今而後庶幾無愧元主聞而嘆
曰文丞相真男子本朝將相皆不可及追謚信國道

光二十三年祀

趙氏復江漢先生字仁甫宋德安人不仕元時姚樞建太
極書院於燕京延復為師程朱之學未至北方自是
得名士多人乃收集河洛諸書河朔始知道學雍正
二年祀

金氏履祥字吉甫宋金華人少從學何基王柏得朱子之
傳宋末絕意進取作通鑑前編語孟大學諸經各有
註疏號仁山先生宋以史館編修召未用諡文安雍
正二年祀

陳氏滸字可久號雲莊元江西都昌人潛心理學著禮記
集說雍正二年祀

松陽縣志

卷之三 學校

三

方氏孝孺字希直明台州寧海人幼警敏讀書日盈寸長
從宋濂學恒以明王道致太平為己任洪武年間以
薦召除漢中府教授與諸生陳說道德講學不倦額
其讀書之廬曰正學後官遷翰林侍講全節完名無
忝綱常固為有明之學祖所著有緱城集遜志齋集
幼儀宗儀篇深慮論諸書行於世諡文正

國朝康熙四十四年賜以忠烈明臣匾額同治二年從
祀

薛氏瑄字德溫明山西河津人初受學於高密魏希諸人
聞濂洛之傳嘗言自考亭以還斯道大明無須著作

直須躬行有讀書錄二十卷皆自言所得時稱薛夫子官大理卿謚文清隆慶五年從祀

胡氏居仁字叔心明江西餘干人爲學主忠信求放心以聖賢成始成終在於敬因以敬名齋著居業錄敬齋錄以布衣稱謚文敬萬歷十二年祀

羅氏欽順字允升明尚書江西泰和人學遵程朱上溯孔孟攘斥異端嘗曰人立身居業必先打破義利之辨學者奉爲典型時稱整菴先生謚文莊雍正二年祀

呂氏柟字仲木明高陵人正德進士第一授修撰累遷至南京禮部侍郎以窮理實踐爲主所著經義文集甚

松陽縣志

卷之三 學校

三

富吳楚閩越從者百餘人同治二年祀

劉氏宗周字起東明山陰人讀書尊宋元明大儒爲宗著述皆得力於朱子著人譜及人譜類記實証元賢之言行條分縷析最爲精密誠下學入德之門也家居布衣麤飯樂道安貧學者稱念臺先生官左都御史謚忠介道光二年祀

孫氏奇逢字啟泰號鍾元明容城人萬歷舉人屢徵不就卜居百原山康節遺址也其鄉人皆從而化之家貧樂道北方之學者皆出於其門所著理學宗傳別出手眼年九十二卒道光八年祀

張氏履祥字考夫一字念芝浙江嘉興府桐鄉縣人明諸生世居楊園村學者稱爲楊園先生著有楊園全書四十三卷祖述孔孟憲章程朱洵足羽翼聖經維持名教同治十年從祀

陸氏隴其字稼書國朝浙江平湖人讀書期躬行實踐取大全諸書反復考訂自輯成書又輯性理大全大學衍義續文獻通考等書時有學入程朱之室文登韓柳之堂之譽官至御史諡清獻雍正二年祀

西廡先儒

穀梁氏赤字應邵周末魯人受春秋於子夏作傳漢孝宣

松陽縣志

卷之二 學校

三

帝善穀梁說置博士穀梁之學始興唐貞觀二十一年祀

高堂氏生秦末漢初人官博士禮經名秦焚書後散亡獨有傳禮十七篇卽儀禮高堂生能言之傳授至戴德戴聖言禮者皆宗之唐貞觀時祀

董氏仲舒字寬夫漢廣川人少治春秋爲博士舉賢良對天人三策具有儒者氣象所著皆經濟之學上疏條教凡百餘篇元至順元年祀

毛氏萇字長公漢趙人爲河間獻王博士每說詩獻王悅之因取詩傳加毛字以別齊魯韓三家之詩傳後

詩獨立學宮唐貞觀時祀

杜氏子春字時元漢河南緱氏人通周官秦始皇時周禮禁絕不傳至漢劉歆表而出之周禮始著子春受業於歆能通其義因以教授鄉里唐貞觀時祀

諸葛氏亮字孔明漢瑯琊陽都人漢末避兵南陽自比管樂後歷仕至丞相封武侯受遺詔輔後主北伐曹魏前後上出師表二卒於軍世稱三代以下一人謚忠武雍正二年祀

王氏通字仲淹陳龍門人不仕隋爲學有大志上太平十二策不見用著中說學者擬之魯論私謚文中子明

松陽縣志

卷之三 學校

三

嘉靖九年祀

韓氏愈字退之唐河南修武人性明銳不詭隨爲文起八代之衰後學經公指授者皆稱韓門弟子所著原道原性等篇皆體備六經與孟子相表裏學者仰如泰山北斗力排佛教以諫迎佛骨貶刺史官吏部侍郎封昌黎伯謚文宋元豐七年祀乾隆二年置博士

胡氏瑗字翼之安定先生宋泰州海陸人教授蘇湖二州訓人率以身先時尚詞賦一學獨立經義治事一齋以敦實學著有易傳洪範解春秋口義門人述其言行錄爲二卷官遷天章閣待講謚文昭嘉靖九年祀

韓氏琦字稚圭宋相州安陽人年二十登進士第一爲定
州安撫使時念五代以來學校久廢從而葺舍宇課
儒生絃誦比之鄒魯後官至丞相封魏公追封魏王
諡忠獻咸豐二年祀

楊氏時字中立宋南劍將樂人從二程得河洛之傳著書
講學東南學者推爲程氏正宗著有三經義辨詔錄
文集號龜山先生官工部侍郎龍圖閣學士諡文靖
宏治八年祀

尹氏燾字彥明宋河南洛陽人莊敬篤實不欺暗室於六
經之言耳順心得如出諸己受學於程伊川質直宏
毅實體力行程子以魯許之著論語解及問答錄勅
授和靖處士除說書少監常少侍講待制侍郎等官
雍正二年祀

胡氏安國字康侯宋建甯崇安人強學力行以聖賢爲標
準致知爲始窮理爲要時王安石廢春秋公終身潛
心是書著春秋傳官寶文閣直學士諡文定追封建
寧伯正統二年祀

李氏侗字愿中宋南劍人從羅仲素學朱子師事之嘗曰
學問之道不在多言能潛心體認天理自見人欲自
消號延平先生追諡文靖萬歷四十二年祀

呂氏祖謙字伯恭宋金華人學宗關洛心平氣和不立崖
異朱子稱其學如伯恭能變化氣質居家之政皆可
為法號東萊先生官國史院編修謚成政忠亮封開
封伯景定二年祀

袁氏燮字和叔宋鄞縣人生而端粹專靜教諸生以反躬
切已忠信篤實為道本聞者悚然有得士氣益振初
入太學與陸九齡第九淵發明本心之旨及師事焉
每言人心與天地一體精思以得之兢業以守之則
與天地相似學者稱之曰象齋先生官至顯謨閣學
士晉贈少師謚正獻著有象齋集毛詩經筵講義行

松陽縣志

卷之三

學校

三

世同治七年祀

黃氏榘字直卿宋閩縣人志堅思苦受業朱子朱子因妻
以女及朱子病革以所著書與之曰吾道之託在此
號勉齋先生官朝奉郎謚文肅雍正二年祀

蔡氏沈字仲默宋建陽縣人西山子師事朱子著書傳與
洪範皇極內篇行學宮論文正明封崇安伯正統

二年祀

魏氏了翁字華父宋四川邛州蒲江人築室城西白鶴山
下從遊甚眾著九經要義百卷訂定精密發先儒所
未發官吏尚端明學士福州安撫贈秦國公謚文靖

雍正二年祀

王氏 柏 魯齋先生字會之宋浙江金華人從黃勉齋學得
立志居敬之旨於學庸四書通鑑綱目標注精密作
敬齋圖箴主麗澤上蔡兩書院論文意雍正二年祀

陸氏 秀夫 字君實宋楚州鹽城人讀書明大義嚴氣正性
嘗與同僚宴集坐尊俎間矜莊終日時君臣播越海
濱每朝會儼然正笏立如治朝尋負宋末帝赴海死
官至左丞相咸豐九年祀

許氏 衡 字仲平元河南河內縣人七歲授章句過目不忘
長刻志墳典旁求精核一言一行必質之書後以道

學名世號魯齋先生官集賢學士國子祭酒諡文正
封魏國公皇慶二年祀

吳氏 澄 字幼清元江西崇仁人幼以聖賢自期篤志好學
杜門著述號草廬先生官翰林學士諡文正正統八
年祀嘉靖九年罷乾隆二年復

許氏 謙 字益之元浙江金華人聞金仁山道學往從之以
求聖賢之心教人以五常人倫爲本變化氣質爲先
景從者皆以不及門爲耻及卒門人題其墓曰白雲
先生諡文敏雍正二年祀

曹氏 端 字正夫號月川明河南澠池人自幼不妄言動心

通五經遠有端緒得元人謝應芳辨惑編讀而悅之
故於世俗通行之說毅然不動生平以力行爲主守
之甚確其言事事都於心上做工夫是入孔門之大
路誠哉所謂有本之學也所著夜行燭一書有裨人
倫日用之事辨太極圖說識解詳明薛文清有日光
飛鳥之喻永樂間登乙榜第一授山西霍州學正私
謚靜修咸豐十年祀

陳氏 獻章

字公甫明廣東新會人舉孝廉官翰林檢討尋
歸隱白沙德器純粹有舞雩陋巷風號白沙先生謚
文恭萬歷十二年祀

陽縣志

卷之三 學校

三

蔡氏 清

字介夫明福建晉江人飭躬勵行動準古人著有
四書易經蒙引皆推原朱子之意嘗言虛者聖賢所
以成始成終因名其齋曰虛齋著虛齋文集稱虛齋
先生官國子祭酒謚文莊雍正二年祀

王氏 守仁

字伯安明餘姚人生平講學以良知教人自信
質諸千聖不謬更喜朱子先得我心之所同所過處
必立書院開講海內稱陽明先生著傳習錄則言討
新建伯謚文成萬歷十二年祀

呂氏

坤

字叔簡號新吾明河南寧陵人少時資質魯鈍讀
書不能成誦惟澄心體認久之了悟入目即不忘年

十五讀性理書欣然有會作夜氣鈔擴良心詩一生孜孜講學多所自得其立朝遇國家大議持正不爲首鼠自有大臣風度官刑部侍郎道光六年祀

黃氏

道周

字幼元號石齋明福之鎮海衛人家貧時挾策

遠游讀書羅浮山山水暴漲墮澗中溯流而入得遇異人授以讀書之法過目不忘自是講究聖賢之學辨別性理獨具卓識深得大學格致工夫官武英殿大學士吏部尚書諡忠端道光五年祀

湯氏

斌

潛菴先生字孔伯睢州人 國朝順治己丑進士

官禮工二部尚書平日潛心性理學本程朱所著有

松陽縣志

卷之三

學校

三

洛學編四卷能發明先儒之蘊奧乾隆元年追諡文正道光三年祀

謹案歷朝位數唐貞觀時從祀共二十二位開元時十哲二十一經儒外增祀七十三賢宋咸淳中定兩廡一百有四位明會典九十五位正統元年定一百有九位

國朝康熙時九十七位雍正初議定一百二十三位乾隆三年升有子仍增吳澄以足其數道光二年至二十九年增八位咸豐元年至十年增六位同治二年增三位七年增一位十年增一位今一百四十一位

崇聖祠位次

正殿

昌聖王伯夏公 孔子祖

裕聖王祈父公 孔子高祖

肇聖王木金父公 孔子五世祖

詒聖王防叔公 孔子曾祖

啓聖王叔梁公 孔子父

孔子之先宋微仲後數傳至襄公熙熙生弗父何及厲公方祀何遜國於第厲公自後世為宋卿三傳至正考父考父生孔父嘉五世親盡別為公族後遂以

公陽縣志

卷之三 學校

聖

孔為氏孔父嘉生木金父木金父因父遇禍適於魯遂為魯人木金父生祈父 一名畢夷 祈父生防叔防叔生伯夏伯夏生叔梁紇為陬邑大夫宋真宗時追封聖父為齊國公稱啓聖公與魯國太夫人同遷殿後立廟奉祀元至順中加封王仍崇祀於大成殿西明嘉靖九年令國子監及郡縣學均建祠通祠名啓聖祠

國朝雍正元年追封五代為王改名崇聖祠二年八月初三安設神位昭穆制度悉由

欽定同廟異龕皆南向昭穆約前尺許次昭次穆更前尺

許從外觀之五室並齊從內觀之淺深各殊尊卑自別

配饗先賢

祠東西向

孔氏 孟皮 孔子兄有足疾生子忠咸豐七年配

顏氏 無繇 字季路顏子回父少孔子六歲孔子始教而受

學唐贈杞伯從祀兩廡宋改曲阜侯元加杞國公明

嘉靖九年配

孔氏 鯉 字伯魚孔子子年五十先孔子卒宋崇寧中加泗

水侯咸淳三年祀兩廡明嘉靖九年配

松陽縣志

卷之三 學校

四

祠西東向

曾氏 點 字子皙曾子參父以狂稱唐贈宿伯開元二十七

年從祀兩廡宋改萊蕪侯明嘉靖九年配

孟孫氏 激 字公直孟子軻父魯公族孟孫後世居於鄒為

鄒人元延祐三年封邾國公明嘉靖九年配

謹按正統三年裴侃請加伯魚子皙公爵與孔顏父

俱配啓聖殿帝下禮部行之仍議加封據此則四配

已定於正統時非始於嘉靖九年也

從祀先儒

東陽西向

周氏輔成字伯大周子敦頤父明萬歷二十三年祀

程氏珦珦字伯溫程子顥頤之父判南安軍時周敦頤為司

理珦與語知見道者因命二子受學明嘉靖九年祀

蔡氏元定元定字季通蔡子沈父幼穎異長師事朱子朱子叩

其學大驚曰此吾老友也不當在弟子之列著洪範

解大衍解律呂新書世稱西山先生謚文節明嘉靖

九年祀

西次東向

張氏迪迪張子載父雍正二年祀

朱氏松字喬年朱子熹父力學有俊才究心河洛宗旨成

松陽縣志

卷之三

學校

三

大儒明嘉靖九年祀

按闕里志周氏列蔡氏之下以所入先後而悞明萬

歷時河南巡按張志發奏請增邵子父邵古邵議

而不行

文廟正位陳設圖

坐爵	獻爵	和羹
坐爵	獻爵	太羹
坐爵	獻爵	和羹

黑餅	栗	形鹽	黍	稻	韮	醢醢	脾肝
	榛	燾	稷	梁	蕘	鹿醢	
白餅	菱	鹿脯			菁藟	兔醢	豚胎
	芡	棗			笋藟	魚醢	
	花		灼	灼	灼	花	
			灼	灼	灼		
	羊		燾	燾	燾	豕	

松陽縣志

卷之三

學校

四六

配位陳設圖

配位	配位
坐爵	坐爵
獻爵	獻爵
和羹	和羹

兔醢	笋藟	蕘	黍	黍	鹽	棗	菱
魚醢	醢醢	苽藟	稻	稻	燾	栗	芡
	鹿醢	菁藟			鹿脯	榛	
		灼	燾	灼			
		燾			羊肉		

哲位陳設圖

哲	哲	哲	哲	哲	哲
坐爵	坐爵	坐爵	坐爵	坐爵	坐爵
	獻爵	獻爵	獻爵		
	和羹	和羹	和羹	和羹	和羹
	蕤	稻	黍	形鹽	棗
	魚醢	芹		麩魚	栗
		菁		麩	榛
			帛香		
			灼	灼	
					羹

東哲應增坐爵一

兔醢	笋蕤	蕤	稻	黍	形鹽	棗	菱
魚醢	醢醢	芹			麩魚	栗	茨
	鹿醢	菁			麩	榛	

松陽縣志

卷之三

學校

兩廡陳設圖

邊壇	坐爵	棗	形鹽	蕤
		醢醢	鹿脯	芹
		香		灼

中壇	坐爵	獻爵	獻爵	和羹	黍	稻	形鹽	棗	麩	西	鹿脯	帛香	灼	羊
					醢醢	非	醢醢	魚	芹					肉

邊壇	坐爵	棗	形鹽	蕤	醢醢	鹿脯	芹	香	灼
----	----	---	----	---	----	----	---	---	---

崇聖祠正位陳設圖

五代	坐爵	獻爵	和羹	棗	菱	栗	芡	榛	花	羹
三代	坐爵	獻爵	和羹	鹽	黍	燾	鹿脯	灼	灼	
一代	坐爵	獻爵	和羹	稻	黍	稷	鹿脯	灼	灼	
二代	坐爵	獻爵	和羹	蕞菹	芹菹	梁	蕞菹	灼	灼	
四代	坐爵	獻爵	和羹	兔醢	魚醢	鹿醢	鹿醢	灼	灼	羹

松陽縣志

卷之三


學校

四八

配位陳設圖

配位	坐爵	獻爵	和羹	鹿脯	棗	灼	羹
配位	坐爵	獻爵	和羹	鹽	黍	灼	
配位	坐爵	獻爵	和羹	稻	黍	灼	
	坐爵	獻爵	和羹	蕞菹	芹菹	灼	
	坐爵	獻爵	和羹	兔醢	魚醢	灼	

從祀陳設圖




松陽縣志

卷之三

學校


四九

文廟樂舞位列圖



先師位

陛



祭器禮儀樂章

文廟 祭器

正位 坐爵三 獻爵三 登一 銅二

簋二 簋二 籩十 豆十

俎三 筐一 祝版一 雲雷尊一

香鼎一 大燭臺二 大花瓶二

小香爐一 小燭臺二 檠廟門廟內各六

挂燈廟門四 庭燎階下四

配位 坐爵六東西各三 獻爵六東西各三 簋四東西各二 籩四東西各二

籩十六東西各八 豆十六東西各八 牲盤四東西各二

松陽縣志

卷之三 學校

辛

筐二東西各一 壺尊一東西與哲共一 中香爐二東西各一

中燭臺四東西各二

哲位 坐爵十二東西各六 獻爵六東西各三 銅十二東西各六

籩二東西各一 簋二東西各一 籩十六東西各八

豆十六東西各八 牲盤四東西各二 筐二東西各一

中香爐二東西各一 中燭臺四東西各二

兩廡 坐爵一百四十二 獻爵六東西各三 簋二東西各一

籩八東西各四 豆八東西各四

邊壇東西各二 壇每壇籩三共十

小香爐小灼臺共六副東西各三 壺尊二東西各一

崇聖祠 祭器

正位 坐爵五 獻爵三 銅五 簋二

簋二 籩八 豆八 牲盤二

篚二 祝版一 尊一 花瓶二

中香爐一 中燭臺二 小香爐一 檠四

小灼臺二 挂燈四 庭燎階下四

配位 坐爵五東三西二 獻爵六 銅二 簋二

籩二 籩八 豆八 牲盤四

篚二 小香爐二 小燭臺四 壺尊二

從祀 坐爵五東三西二 獻爵六東西各半 簋二 簋二

松陽縣志 卷之三 學校

籩六 豆六 牲盤四 小香爐二

小灼臺四 篚二

文廟樂舞人數

麾一人 歌工六人 搏拊二人

琴四人 瑟二人 祝一人

敔一人 笙四人 簫四人

排簫二人 笛四人 塤二人

箎二人 編鐘一人 編磬一人

楹鼓一人 節二人 舞二十四人

木主定式

先師主 身高二尺三寸七分廣四寸厚七分硃地金書
座高四寸長七寸厚三寸四分木用栗先賢先

同儒

配主 身高一尺五寸廣三寸二分厚五分赤
地金書座高四寸長六寸厚二寸八分

哲廡先賢主 身高一尺四寸廣二寸六分厚五分赤
地綠書座高二寸六分長四寸厚二寸

兩廡先儒主 身高一尺三寸四分廣二寸三分厚四分
五釐赤地墨書座高二寸六分長四寸厚

二寸

崇聖祠五代主同 先師

配主同四配

從祀主同先儒

禮儀

祀典之舉每歲用春秋月上丁日行釋奠禮前期一日行省牲禮後詣明倫堂演禮進爵帛如祭禮正祭日承祭分獻陪祭各官入兩旁門序立引贊一人對引一人導承祭官自盥手處盥手畢引至臺階下立贊引贊就位唱舉迎神樂奏韶平之章贊跪叩興各官俱行三跪九叩首禮贊唱舉初獻樂奏宣平之章贊引導承祭官由東階上進殿左門詣

孔子位案前立行一跪一叩首禮贊奠帛奠爵再行一跪一叩首禮興贊引贊詣讀祝位讀祝者捧祝板立

於案左樂止贊階下各官俱跪贊讀祝讀祝畢樂作贊叩興承祭官及各官行三叩首禮興贊詣復聖顏子位前立行一跪一叩首禮奠帛奠爵再行一跪一叩首禮興詣宗聖曾子述聖子思子亞聖孟子各位前獻帛爵如前儀其十二哲分獻官升殿奠帛獻爵如承祭官禮兩廡分獻官亦如承祭官禮贊各官復位樂止行亞獻禮舉亞獻樂奏秩平之章贊升殿獻爵於左復詣顏曾思孟四配前享爵俱如初獻儀其十二哲兩廡分獻官享爵如前贊各官復位樂止行終獻禮舉終獻樂奏叙平之章贊升殿享爵於

右如亞享禮復位 承祭官升殿至飲福胙位前立
贊跪贊飲福酒贊受胙承祭官皆拱舉授接三叩首
興復位行謝福胙禮各官俱行三跪九叩首禮興徹
饌舉徹饌樂奏懿平之章徹訖樂止 送神舉送神
樂奏德平之章各官俱行三跪九叩首禮興樂止唱
捧祝饌各詣燎位捧祝者捧祝文在前帛次之捧饌
者又次之俱送至燎位承祭官西旁立候帛祝饌過
仍復位立唱望燎舉望燎樂與送神樂同樂作詣望
燎位導承祭官至燎位立祝帛焚訖樂止贊禮畢退
樂章 康熙年間頒

迎神奏昭平章云 大哉孔子先覺先知與天地參萬
世之師祥徵麟綬韻答金絲日月既揭乾坤清夷
初獻奏宣平章云 予懷明德玉振金聲生民未有展
也大成俎豆千古春秋上下清酒既載其香始升
亞獻奏秩平章云 式禮莫愆升堂再獻響協鼓鑄誠
孚鼎肅肅肅雍雍響髦斯彥禮陶樂淑相觀而善
終獻奏叙平章云 自古在昔先民有作皮弁祭菜於
禋祀樂惟天牖民惟聖時若舜倫攸叙至今木鐸
一徹饌奏懿平章云 先師有言祭則受福四海賢宮曷
敢不肅禮成告徹毋疏毋瀆樂所自存中原有菽

宗聖祠祝文

維年月日某官某致祭於

肇聖王

裕聖王

詒聖王

昌聖王

啓聖王曰惟

王奕葉鍾祥光開聖緒盛德之後積久彌昌凡聖教所覃

敷率循源而溯本宜肅明禋之典用申守土之忱茲

屆仲春秋幸修祀事以

松陽縣志

卷之三

學校

五

先賢孔氏

先賢顏氏

先賢孔氏

先賢曾氏

先賢孟孫氏

配

祭期 月用仲以時之正日用丁爲陰火文明之象

國朝康熙二十四年曾改用次丁今

制仍用上丁遇素服日行禮時衣祭服禮畢更素服

名宦祠祀

宋

縣令陳俊卿

元

縣令赤蓋顯忠

縣令買住

縣令方明安

縣令孫德潤

明

知縣石驥

知縣劉琬

松陽縣志

卷之三

學校

知縣唐恩

知縣魏良弼

知縣張賀

知縣萬鵬

知縣張繼柱

教諭林漢恭

教諭鄧義

教諭歐陽烈

教諭袁埴

訓導陸鏊

國朝

知縣張景留

康熙四十九年合序
呈請學院吳入祀

巡撫范承謨

謚忠貞
十年公請增祀
康熙三

巡撫朱昌祚

謚勤愍
十年公請增祀
康熙三

提督塞理白

康熙三十年
公請增祀

總督李之芳

康熙四十年
公請入祀

總督郭世隆

總督王 騰

按察使楊宗仁

鄉賢祠祀

松陽縣志

卷之三

學校

五八

宋

沈 晦

項安世

王光祖

程 榆

程 樟

王唐珪

蕭必強

元

王文煥

練魯

明

王景

葉希賢

項民葵

盧璣

詹雨

毛仲

包麟

毛文邦

松陽縣志

卷之三

學校

三

王詔

名宦鄉賢二祠非實有表見卓卓可紀者不與誠慎之也誠重之也凡列諸祠者考其行誼模楷常存跡其芳踪風徽未泯憑祠宇以增輝式俎豆于罔替庶高賢不致湮沒而聞者亦莫不興起焉

書院 附義學田

明善書院 在舊市者久廢今建在城東乾隆十五年

知縣陳朝棟詳准捐俸購買詹姓房屋改建合邑紳

士公捐協造又將原存學田及廢寺田詳准撥入書

院收租為延師修脯及膏火之資

詳朝棟自有記載藝文

知縣陳朝棟記義學田租開列于後

土名大雨罅田一邱計一畝五分租二石

又土名白連尖下田五邱計四畝四分租五石

又土名鐵爐下田一邱計四分租五斗

又土名上馬石田一邱計四分租五斗

又土名長墩邊田三邱計五畝租五石

又土名西畷田二邱計二畝五分租五石

又土名包安山頭田二邱計一畝五分租二石

又土名加楓下田七邱計五畝租六石

又土名城門頭田四邱計三畝租三石五斗

松陽縣志

卷之三

學校

六

又土名牆邊田四邱計一畝五分租二石

又土名社崗頭田五邱計四畝五分租四石五斗

又土名鄭畷田二邱計七分租八斗

又土名金山壟田一邱計四畝五分租四石五斗

又土名上路亭田一邱計一畝二分五釐租一石

二斗

又田一邱計二畝二分五釐租二石二斗

又土名下角山田一邱計五分租五斗

又土名南岫亭虎游崗田三邱計二畝五分租二

石五斗

又土名長墩大山角田五邱計六畝二分五釐

六石

又土名社廟後田三邱計一畝五分租一石二斗

又土名門前等處田一十七邱計二十一畝租二

十一石

又土名長後田一邱計一畝二分五釐租一石二

斗

又土名石橋頭田一邱計八分租八斗

又土名後湖田二邱計三畝租三石

又土名肖碓前田三邱計八畝租三石

松陽縣志

卷之三

學校

十一

又土名大竹溪田二邱計一畝五分租一石五斗

又土名白塔亭田二邱計一畝租一石

又田七邱計四畝五分租三石五斗

又土名城門下田一邱計五分租四斗

又土名白塔亭邊等處田十邱計五畝五分租四

石

又土名鐵爐頭田二邱計一畝二分五釐租八斗

又土名分水排田三邱計三畝租二石四斗

又土名水碓邊田一邱計一畝五分租一石

又土名珠頭邊田三邱計三畝租二石

又土名折枝山前田十六邱計三畝租一石八斗
又土名大路頂田一邱計一畝五分租一石

又土名夫人殿後田小生邊田二邱計一畝七分
五釐租一石三斗

又土名樟樹塔上壟田四邱計一畝二分五釐租
一石

又土名烏石前田三邱計一畝租八斗

又土名林門前田四邱計二畝五分租二石

又土名坑塘背田二邱計三畝五分租二石五斗

又土名由邊田二邱計一畝租八斗

又土名光普田二邱計一畝七分五釐租一石五
斗

又土名花田兒田一邱計七分五釐租三斗

又土名上水碓口田三邱計一畝二分五釐租八
斗

又土名出口隴裡田七邱計四畝九分租六石九
斗

又土名園林田十邱計二畝一分租三石

又土名上疊田八邱計二畝租二石八斗

又土名八石田八邱計四畝五分五釐租六石三

斗

又土名馱田突田二邱計一畝二分七釐租一石七斗八升

又土名萬岑田四邱計二畝九分五釐租四石一斗三升

又土名黃家塘田十五邱計五畝二分租六石二斗

又土名寺岑脚田十二邱計六畝八分六釐租八石二斗

又土名薪源口田一邱計三畝五分租四石一斗

松陽縣志

卷之三

學校

三

又土名沙岸坑田十一邱計七畝租八石四斗

又土名關口田七邱計一十二畝一分租一十四

石

又土名外橋田四邱計五畝租六石八斗

又土名橫根田十邱計八分租一石五斗

又土名細坑田三邱計四畝租四石

又土名八岑田七邱計四畝二分租四石二斗

又土名車前田一邱計一畝四分租一石五斗

又土名各垵田一邱計二分一釐租二斗一升

又土名尖邊田一邱計三分五釐租三斗五升

又土名上圩田三邱計一畝四分租一石四斗
又土名對村田一邱計七分租七斗

又土名栗山田三邱計七分租七斗

又土名下茶碗田二邱計一畝租一石二斗

又土名烏山田五邱計二畝一分租二石

又土名東崙田二邱計三分五釐租三斗五升

又土名頂頭山田一邱計二畝一分租一石八斗

又土名葉宅山等處田塘共四十五邱計二十八

畝五分租二十五石

又土名大路下田二邱計一畝七分五釐租二石

又土名東關書院田七邱計九畝租一十五石

又土名東青田等處田六邱計六畝三分租八石

又土名水碓邊前後田八邱計六畝租七石

又土名小路下田一邱計一畝五分租一石四斗

又土名寺前沙地三邱計八畝租銀一兩二錢

咸豐戊午及辛酉兩次寇至院宇被毀同治六年知
縣徐葆清倡捐置買城北天后宮之東葉姓房屋大
牆門內前後兩堂及左右各房四圍以牆爲界大門
前路南勸捐鄭姓菜園地基開八字牆較城東舊宇
尤爲寬廣

朱子祠 在舊明善書院之西乾隆十九年知縣黃槐
捐俸建爲童蒙義學中奉

朱子神位左右列各理學位嘉慶初棟宇傾圯至丁丑
邑紳士勸捐重建並於祠後購屋圍添造紫陽書院
延師訓課生童續勸捐田陸百餘畝每年擇董輪管
以租息爲文武鄉會試路費又另建祠於蒼市鎮一
體奉祀祠內另有義錄刊發分存

學田

明嘉靖三十六年知縣黃美中置田三畝隆慶六年知

縣楊維新置田二百畝

何鏗記
載藝文

按松陽訓導孟稱舜置田記云松學舊無田克一楊
侯取廢寺觀田二頃爲學田迨萬歷十一年以此田
六十畝零易今學基址存田一頃四十三畝零余復
捐買署學孫煥新墾廢觀荒田助之合二頃有奇是
建置學田始于楊公而孟公實成之也田歸學中收
租爲兩學師飯米及諸生季考月課之資餘給諸生
申貧乏者歲以爲常年既久遺田坵無從查考更有
胥役同佃人逐漸侵漁今存田僅四十畝零額糧編
一都明倫庄儒學戶學租以一件

學田開后

一土名十都上方高金田十畝計十坵

一土名十都上方高金田三畝五分計三坵

一土名十都上方高金田六畝五分計五坵

一土名城北鐵爐頭水碓後田三畝四分三釐四坵

一土名城東甘露堂田二畝一分五釐計五坵

一土名二十二都東田庄石亭邊田二畝二分五釐計六坵

釐計六坵

一土名十六都東關田二畝三分五釐計二坵

一土名十五都東村田二畝九分一釐計二坵

一土名城北上坵塘田一畝七分五釐計三坵

一土名城北鐵爐頭田一畝五分計一坵

一土名城南墻頭庄鴛墩田三畝二分六釐計三坵

一土名城東城門邊田二畝六分二釐計四坵

隆二十四年邑侯吳鳳章將田開掘疏通西流

水個人挑復存田約計 分

一土名城東陳巷庄田一坵約計二畝又一坵約

計五分又一坵約計五分皆係舊學基地開墾

為田

附 文昌閣田 昌文祠田

一土名城東策村田一畝計三坵

一土名城北松樹墩亭後田一畝五分計一坵

附魏公祠祭田

一土名城北上馬石田一畝二分五釐計二坵

一土名西山嶺下田一畝五分計六坵

一土名西山路下田七分五釐計一坵

一土名角菴山下田一畝二分五釐計一坵

一土名城北花地頭田一畝七分五釐計三坵

一土名城北半處壟田五分計二坵

一土名城北半處壟田七分五釐計二坵

一土名城北上馬石田三畝五分計五坵

一土名城北西山路下田七分五釐計一坵

以上田皆儒學收租歲爲修理辦祭之資計舊撥用

二項餘所存不過四分之一尙有景賢祠田九畝

土名坵段無從查考或昔有今失或卽在學田四

十畝零之內不可知也

舊學基 在縣東南郭外舊有泮池廣二畝餘後因

學仍徙復舊址池遂廢佃人種荷爲儒學管業

羅木崗 在縣東城外爲舊學之屏障舊建文昌祠

久廢因植松樹爲儒學管業

文運開義田乾隆二十三年知縣吳鳳章創立墾十五

都金梁堰田二十五畝十七都黃公渡下洋塔田八畝立文運開戶完糧兩處沿河逸年被水經學師胡雲昂邱學敏勸捐復舉惟下洋塔被水益甚開撥復冲歲乙巳學師陳琴川胡承謙以童生附籍向有捐資送學此後勸令捐田入科舉項內爲文武童生縣試首場買卷之資餘爲鄉會試及拔貢路費由是歲科兩試附籍者均捐田立簿分交董事輪管以便稽查續因學師孫咸甯爭收此租董事公稟經邑侯韓清乾申詳奉藩憲批查此案以董事司其事學官核其成法良意美仍着董事秉公經理不必官爲吊核

致滋煩擾等因飭遵在案咸豐辛酉寇至倉廩均被毀再擇董接管循章經理冀後董事秉公接管勿負前人創始至意斯足對合學而貽惠後人也現計田七十五畝零內有四十畝係沈寶林捐入爲文舉人在籍者收租如文舉人出仕仍歸文運開董事收租文德田 北鄉赤岸周廷瑞妻林氏捐田一百十三畝零計租一百四十担爲文武童生縣試頭場納卷之資每名計錢一百一十八文文童於出全案時計名數交禮房繳署武童計名數交兵房繳署不得預支如管理董手誤交惟經手是問另有義錄分存

鄉飲酒禮

鄉飲古禮也教孝教忠胥于是乎在浙中諸郡邑多舉行之松雖彈丸而煌煌鉅典張在令甲苟行之而不替將見秀者足以樹風聲頑者有以起觀感考而錄之使知此禮之委曲繁重非無爲也

鄉飲禮每歲以正月十五十月初一爲期於儒學明倫堂行禮舉邑中致仕有德望者一人爲大賓年高有德者爲僎介爲庶賓或三五人不拘其序僎介次于大賓庶賓次於僎介府州縣正印官爲主學員爲司正先七日出示使知某日行禮屆期來觀先五日主

肅啟印官啟賓僎學員啟庶賓先一日習儀頒坐次於明倫堂賓主執事贊禮者皆集大賓位西北僎位東北介位西南庶賓位正西主位東南司正在主之後本日黎明宰牲具饌每案各五豆及期主人率僚屬司正詣學門遣使速賓介以賓至庠門執事報曰賓至門主人僚屬迎於庠門外主東賓西行過門闕三揖三讓而後升堂既升東西相向立贊者唱行兩拜禮賓坐執事又報曰僎至如前儀介庶隨僎而入如前向三揖皆坐執事唱司正揚觶就東楹盥所濯手洗爵執事引司正就西階升詣堂中北向立賓以

下皆立執事唱揖司正揖賓以下皆答揖執事者以
解酌酒授司正司正舉酒向北曰恭惟

朝廷率由舊章敦崇禮教舉行鄉飲非爲飲食凡我長幼
各相勸勉爲臣盡忠爲子盡孝長幼有序兄弟恭
內睦宗族外和鄉里無或廢墜以忝所生讀畢執事
者唱司正飲酒飲畢以解授執事者唱揖司正揖賓
以下皆揖司正復位賓以下皆坐執事唱讀律令舉
律令案於堂中賓主皆拱立贊者引讀者詣案北面
讀曰大誥鄉飲酒禮序長幼論賢良別奸頑抑罪人
其坐序間高年有德者居於上高年淳篤者並之以

次序齒其有曾違條犯法之人不許干與善良之席
主者若不分別致使貴賤混淆察知發覺罪以違制
奸頑違亂正席者全家移出化外讀畢復位執事者
舉饌案至客前主人獻賓薦脯醢設折俎賓酬主人
如之獻饌介饌介酬亦如之

賓饌介庶子姪
等許侍側酌酒

工入升

歌鼓瑟歌鹿鳴執事者唱飲酒供湯工歌四牡執事
唱飲酒供湯工歌皇華執事唱飲酒供湯笙生奏南
陔又奏白華又奏華黍詩歌魚麗笙奏由庚詩歌南
有嘉魚笙奏由儀於是合樂奏關雎鵲巢又葛覃采
芣又奏卷耳采蘋每詩先歌首章飲訖執事唱徹饌

賓僎以下皆出位主偕僚屬居東賓以下居西執事者唱北面謝恩各向北行三跪九叩首禮畢執事唱送賓以次下堂分東西行仍三揖出庠門而退

賓興禮儀

丹值子午卯酉年例應起送赴科前三日縣具啟致各赴科生員至期設席大堂儀門外搭綵橋生員齊由橋進縣主出迎至橋賓由東階主由西階三揖三讓至堂上一揖分坐茶畢主告奠安席賓酬主荅拜入席飲席畢起辭向主一揖主各贈桂花一枝披紅鼓樂出送至橋生各乘馬出鳳臻門主送至門外仍各

送酒三杯畢揖諸生上馬北行主乘輿歸詣朝諸生齊詣縣謝後治裝赴省三場畢揭曉歸家內有中式者將到縣具儀仗花紅出城迎送歸家次日具匾禮造門賀舉人隨詣縣謝